



JAVNO PREDUZEĆE
ŠUMSKO PRIVREDNO DRUŠTVO
ZENIČKO - DOBOJSKOG KANTONA
d.o.o. ZAVIDOVIĆI

JP "ŠPD ZDK" d.o.o. Zavidovići

Upisano u Registar Kantonalnog suda u Zenici pod
brojem 1-9014, Rješenje br. U/1 916/04
ID broj: 4218431050005
PDV Broj: 218431050005 Por. br.: 05072148
Transakcijski računi:
Union banka d.d. Sarajevo 1020320000013296
ASA Banka d.d. Sarajevo 1340300000062287
Unicredit Bank d.d. Mostar 3384202214508407
Raiffeisen BANK d.d. BiH 1610550016400016

Broj: 74-O-5/24

Zavidovići, 5.2.2025. godine

Na osnovu člana 64. i člana 70. Zakona o javnim nabavkama BiH (Službeni glasnik BiH br: 39/14, 59/22 i 50/24), a shodno preporuci Komisije iz Zapisnika o pregledu i ocjeni ponuda broj: 74-ZP/24 od 5.2.2025. godine Direktor - Ugovorni organ donosi slijedeću:

O D L U K U

o izboru najpovoljnijeg ponuđača u postupku javne nabavke 74/24
za LOT 5 - PJ OLOVO - GJ Krivaja - Odjel 85

Član 1.

Prihvata se se preporuka Komisije za javnu nabavku 74/24 i Ugovor će se zaključiti s ponuđačem **BRENTA d.o.o Olovo** za vrijednost postignutu nakon provedene e-aukcije dana 3.2.2025. godine u iznosu od 133.131,00 KM bez PDV-a, u otvorenom postupku javne nabavke broj: 74/24 - Usluge sječe i izvoza drvnih sortimenata i to za **LOT 5 - PJ OLOVO - GJ Krivaja - Odjel 85** koji je objavljen na portalu Agencije za javne nabavke pod brojem: 360-1-2-295-3-250/24 objavljeno dana 12.12.2024. godine u 15:01 h kao i u Službenom glasniku BiH broj: 88/24, objavljeno dana: 20.12.2024. godine, na strani 27.

Član 2.

U skladu sa provedenim postupkom ponuđaču iz tačke 1. ove Odluke biti će ponuđeno zaključivanje ugovora o nabavci.

Član 3.

Odluka stupa na snagu danom donošenja.

O b r a z l o ž e n j e

U postupku javne nabavke broj: 74/24 - otvoreni postupak za javnu nabavku Usluge sječe i izvoza drvnih sortimenata i to za LOT 5 - PJ OLOVO – GJ Krivaja – Odjel 85 proveden je postupak prikupljanja, otvaranja i ocjene ponuda. Komisija za javnu nabavku je u svom Zapisniku o javnom otvaranju ponuda konstatovala prispjeće 3 (tri) ponude i to od sljedećih ponuđača: PALEŽ d.o.o. Olovo, DRVO MOND d.o.o. Ilijaš i BRENTA d.o.o. Olovo. Uvidom u pristiglu dokumentaciju ponuđača komisija za javnu nabavku konstatovala je sljedeće:

Procijenjena vrijednost nabavke za LOT 5 - PJ Olovo – GJ Krivaja – Odjel 85 iznosi 133.264,30 KM bez PDV-a.

- Ponude ponuđača PALEŽ d.o.o. Olovo i BRENTA d.o.o. Olovo su **prihvatljive**, odnosno dostavljene ponude navedenih ponuđača su u skladu sa tenderskom dokumentacijom i ispunjavaju zahtjeve Ugovornog organa koji se tiču kvalificiranosti ponuđača za sudjelovanje u predmetnom postupku javne nabavke, odnosno pomenute pristigle ponude su formalno - pravno ispravne za LOT 5 – PJ OLOVO – GJ Krivaja – Odjel 85.

- Ponuda ponuđača DRVO-MOND d.o.o. Ilijaš je **nepravilna**. Dostavljena ponuda nije u skladu sa tenderskom dokumentacijom odnosno navedeni ponuđač nije dostavio tražene Izjave po članu 45. i 52. Zakona o javnim nabavkama na način kako je propisano tenderskom dokumentacijom (definisano u tenderskoj dokumentaciji na strani 8, točka 4, pod A) - gdje je jasno propisan način dostavljanja tražene izjave po čl.45 ZJN (... „ponuđač je dužan dostaviti popunjenu, potpisanu i ovjerenu izjavu pečatom kod nadležnog organa za ovjeru potpisa u formi koja je sastavni dio tenderske dokumentacije“), kao i na strani 11 tenderske dokumentacije točka 5, stav b) pod c) i f) gdje se također pojašnjava način dostavljanja

traženih izjava (... „ovjerena pečatom kod nadležnog organa za ovjeru potpisa - Prilog) . Ponuđač DRVO-MOND d.o.o. Ilijaš je dostavio izjave po članu 45. i 52. Zakona o javnim nabavkama koje nisu ovjerene pečatom kod nadležnog organa za ovjeru potpisa.

Također, ponuda ponuđača DRVO-MOND d.o.o. Ilijaš nije dostavljena u skladu s točkom 5. pod d) tenderske dokumentacije (str. 11), odnosno nije čvrsto uvezana na način da se onemogući naknadno vađenje ili umetanje listova.

S obzirom na sve naprijed navedeno, ponuda ponuđača DRVO-MOND d.o.o. Ilijaš nije formalno pravno ispravna i odbacuje se iz daljnje procedure u postupku javne nabavke 74/24 za LOT 5 – PJ OLOVO – GJ Krivaja – Odjel 85.

U predmetnoj nabavci je predviđena između ostalog i e-aukcija i to za kriterij najniža cijena, koja se provodi putem portala ejn.gov.ba i to u skladu sa Pravilnikom o uslovima i načinu korištenja e-aukcije (Službeni glasnik BiH 80/23).

Službenik za javnu nabavku zakazao je e-aukciju za 3.2.2025. godine u 10:30 sati (Konačna rang lista ponuđača koji su učestvovali u e-aukciji po LOT 5 je slijedeća):

RANG	Datum e-aukcije	Naziv ponuđača	Konačna cijena ponude nakon e-aukcije (KM bez PDV-a)
1.	3.2.2025.	BRENTA d.o.o. Olovo	133.131,00
2.	3.2.2025.	PALEŽ d.o.o. Olovo	133.264,30

Na osnovu izvještaja o toku i završetku e-aukcije formirana je konačna lista ponuđača koji su učestvovali na e-aukciji. Ponuda prvorangiranog ponuđača **BRENTA d.o.o. Olovo** iznosi **133.131,00 KM bez PDV-a**. Navedena vrijednost ponude je u skladu sa procijenjenom vrijednosti ugovornog organa.

Nakon provedene procedure evaluacije i ocjene ponuda uvažavajući sve činjenice navedene u Zapisniku, Komisija je predložila da se ponuda ponuđača BRENTA d.o.o. Olovo prihvati kao najpovoljnija ponuda, te donese Odluka o izboru najpovoljnijeg ponuđača za LOT 5.

Radi navedenog donesena je Odluka o izboru najpovoljnijeg ponuđača kao u dispozitivu.

Pouka o pravnom lijeku: Protiv ove Odluke može se uputiti Žalba u roku od deset (10) dana od dana prijema ove Odluke. Žalba se izjavljuje Uredu za razmatranje žalbi putem Ugovornog organa u pisanoj formi direktno, elektronskim putem ili preporučenom poštanskom pošiljkom u tri primjerka uz dokaz iz člana 105. stav (1) tačka i) Zakona o javnim nabavkama (Službeni glasnik BiH br: 39/14, 59/22 i 50/24) o plaćenju nakanadi za pokretanje žalbenog postupka u iznosu propisanom članom 108. Zakona o javnim nabavkama (Službeni glasnik BiH br: 39/14, 59/22 i 50/24), na osnovu kojeg se može nesumnjivo utvrditi da je transakcija – naknada izvršena.

Dostaviti:

1. Ponuđači 1-3,
2. Komisija za JN.



DIREKTOR:

Adnan Turić, dipl.ing.šum.